

Aalisakkerisuunertut (fiskeindustri teknikeritut) ilinniartitaaneq pillugu Namminersornerullutik Oqartussat nalunaarutaat

Inuussutissarsiutitigut ilinniartitaaneq, ilinniagaqarnermut tapiissutit inuussutissarsiutinullu tunngasunik siunnersuineq pillugit Inatsisartut peqqussutaanni nr. 1-imi 4. maj 1990-imeersumi § 1, imm. 3, naapertorlugu aalajangersarneqarput:

Kapitali 1.

Siunertaa sivilissusialu.

§ 1. Aalisakkerisuuninngorniartunik ilinniartitsinerup siunertaraa ilinniartut aalisakkanik suliffissuarni suliffinnilu tamakkununga assingusuni suleqatitut/pisortatut sulinissamut pikkorissarneqarnissaat.

Imm. 2. Ilinniartitsinerup siunertaraattaq ilinniartup peqqinnissamut tunngasunik aalisakkallu qanoq suliarineqartarnerinik tunngaviumik paasinnitsinnissaa ilisimasaqarlualersinnissaalu kiisalu - pingaartumik aalisakkanik suliffissuarni umiarsuarnilu fabrikkitut atorneqartuni - suliassanik suleqatigiiffisassanik pisortaaffigisassanillu siulersuisinnaalernissaa, taaneqartunut ilanngullugit tunisisoqartillugu suliassat laboratoriamilu suliassat; aalisakkanik tukertitsivinni suleqataaneq; tunisassanik ineriartortitsinermi/nerisassiassanik pitsanngorsaanerme, pisiniarnermi, tuniniaanerme, naatsorsuusiordermi, nalunaarsuinerme maanilu tunisanik avammullu tunisassanik akiinillu naatsorsuinerme peqataaneq kiisalu suleqataasut pikkorissartinneqarnerinik siulersuisarnissaq.

§ 2. Ilinniartitaaneq ukiunik marlunnik sivilissuseqassaaq, semestereqarluni ataqtigiiginnarnik sisamanik.

Kapitali 2.

Tiguneqarnissamut piumasaqaatit.

§ 3. Ilinniartitaanermut tiguneqarsinnaapput inuit:

- 1) aalisakkerisutut (fiskeindustriassistentitut) ilinniarsimasut imaluunniit
- 2) inuussutissalerinermik suliffissuarmi tamatumunga assingusumik ilinniagaqarsimasut imaluunniit
- 3) ilinniarnertuunngorniartumik ilinniarsimasut.

Imm. 2. Qinnuteqartut aammattaq kalaallit danskillu oqaasiinik paasisinnaassapput aammalu allattariarnermi oqaluttariarnermilu paasineqarsinnaasunik allassinnaasariaqarlutik oqalussinnaasariaqarlutillu kisitsinerlu, tamatumunga ilanngullugit kisitsisaatsit sisamat kiisalu procentinik brøkkilinnillu kisitsineq, pillaaqqiffisariaqarlugit.

Imm. 3. Ilinniarfiup qinnuteqartunut aalisakkanik suliffissuarmi sulinerme misilittagaqarsimanngitsunut,

naliliinini malillugu, piumasarisinnaavaa taakkua tamatumunnga assingusumik inuussutissarsiutigalugu sulinermik ukioq ataaseq angullugu misilittagaqareersimanissaat.

§ 4. Ilinniartuup imaluunniit najukkami inuussutissarsiutitigut ilinniartitaanermi ataatsimiititaliap qinnuteqartup tiguneqarnissaa inassutigiguniuk ilanngullugu oqaaseqarfigissavaa isumaqarnerluni qinnuteqartup ilinniarnini piffissami aalajangeriikkami naammassillugu ingerlassinnaassagaa.

§ 5. Tiguneqarsinnaapputtaaq inuit allamik ilinniagaqarsimasut, ilinniarsimanerat ilinniartitaanermi ataatsimiititaliap isumaa malillugu aalisakkerisuuninngorniartut ilinniartitaanerannik naammassinninnissamut tunngavissanut allanut naapertuuttumik tunngavissaqalersitsissappat.

§ 6. Isersinnaatitaanermik killilersuineq pillugu Kultureqarnermi, Ilinniartitaanermi Suliffeqarnermilu Pisortaqaarfik erseqqinnerusunik maleruagassaliorsinnaavoq.

Kapitali 3.

Ilinniartitaanerup imaa.

§ 7. Ilinniarnernup ukiuani siullermi (semesterit siullianni aappaannilu) lektionit 1440-t atorneqassapput fagini ukunani ilinniartitsinerlut:

- 1) aalisakkerineq..... lektionit 540
- 2) akoorutissat atorlugit eqqiluisaarneq uumasuaqqanillu tappiorannartulerineq..... lektionit 280
- 3) aalisarneq aalisakkanillu ilisimatusarneq..... lektionit 160
- 4) matematikki statistikkilu..... lektionit 140
- 5) sulinermik siulersuineq/aaqqissuineq. lektionit 80
- 6) qarasaasialerineq..... lektionit 80
- 7) atassuteqaqatigiinneq..... lektionit 80
- 8) timersorneq..... lektionit 80

Imm. 2. Ilinniarnernup ukiuata aappaani (semesterit pingajuanni sisamaannilu) lektionit 1380-it atorneqassapput fagini ukunani ilinniartitsinerlut:

- 1) kinguppannik/aalisakkanik nioqqutissiorneq..... lektionit 320
- 2) nioqq. pilersarusiorneq/ingerlatsineq aamma qarasaasialerineq..... lektionit 320
- 3) elektriciteti/nillataartitsineq/qerititsineq, maskiinat aammalu tamakkua qanoq pissarsissutaatigisinnaaneriniq missiliuineq..... lektionit 160
- 4) siulersuineq/aaqqissuineq/sulinermi pissutsit (arbejdspsykologi)..... lektionit 140
- 5) inuiaqatigiit/inuussutissarsiutit. ... lektionit 120
- 6) nioqqutissat tuniniarneqartarnerat... lektionit 80
- 7) atassuteqaqatigiinneq..... lektionit 68
- 8) timersorneq..... lektionit 68
- 9) suliffimmi avatangiisit isumannaallisaanerlu..... lektionit 68

Imm. 3. Semesterit sisamaanni sap. akunnerini 6-nni kingullerni ilinniartoq immikkut ilinniartuugut sammisimasaminik allaaserinnissaaq.

§ 8. § 7-imi aalajangersakkanit allaassuseqartitsigallarnissat ilinniartitaanermi ataatsimiititaliap akuerisinnaavai.

§ 9. Ilinniartoq immikkut ilinniagassamik nammineerluni annerusumik sammisassaminik ilinniartitsisumit ilitsersorneqarluni toqqaassaaq.

Imm. 2. Immikkut ilinniarumasaq semesterit pingajuat naatinngu toqqarneqassaaq ilinniartitsisumillu

akuerineqassaluni.

Imm. 3. Immikkut ilinniagassaqartitsinikkut siunertarineqarpoq ilinniartup aalisakkanik nioqqutissiornerup imaluunniit aalisakkanik nerisassiassanik pitsanngorsaanerup ilaanik imaluunniit sulinermi siulersuinermilu pissutsinik immikkut ittunik allaaserinnissinnaalerlunilu naliliisinnaalernissaa, tamatumunga ilanngullugit ilinniarsimasat immikkut ilinniagaq pillugu paasissutaasinnaasut tamaasa.

Imm. 4. Immikkut ilinniarumasaq suussusilerneqarajuttassaaq fagit § 7-imi taaneqartut akuleriissillugit, qaqutigulli fagi ataasiinnaq toqqarneqartarsinnaavoq. Kisianni fagit ukua ilaat ataasiinnaq immikkut ilinniarumasatut toqqarneqarsinnaangilaq: Matematikki statistikkilu, elektriciteti/nillataartitsineq/qerititsineq, maskiinat aammalu tamakkua qanoq pissarsissutaatigisinnaaneriniq missiliuineq, qarasaasialerineq, inuiaqatigiit/inuussutissarsiutit, nioqqutissat tuniniarneqartarnerat, suliffimmi avatangiisit isumannaallisaanerlu, atassuteqaqatigiinneq kiisalu timersorneq.

Imm. 5. Piffissaq immikkut ilinniakkamut atorneqartoq naggaserneqassaaq ilinniartup nalunaarusiorneranik immaqalu aalisakkanik suliffissuarmi nioqqusiamik.

§ 10. Fagini ataasiakkaani ilinniartitsinerup siunertaa tassaavoq:

1) Aalisakkerineq.

Ilinniartup aalisakkat tarajugaanngitsut pitsaassusiinut ajorsiaassusiinullu tunngasunik allanillu aalisakkap (nerpiata) ajorsiaartortarneranut sunniuteqartartunik paasinnitsinnissaa. Aammattaaq ilinniartup paasinninnissaa aalisakkat nioqqutissat nerisassiassatut pitsanngorsarlugit qerititseriaatsimik aserutsaaliueriaatsinillu, aammalu sulinermi periaatsinik, pissarsianik inatsisinillu eqqortumik atuinissap pitsaassusissanillu nakkutilliinerup pingaaruteqassusiannik.

2) Akoorutissat atorlugit eqqiluisaarneq uumasuaqqallu tappiorannartut.

Ilinniartup paasisimaqqaagassanik uumasuaqqanut tappiorannartunut akoorutissanullu tunngasunik ilisimasaqarluarneq aqutugalugu inuussutissalerinermi eqqiluisaarnissamut maleruagassanik paasinninnissaa eqqortumillu atuisinnaalernissaa.

3) Aalisarneq aalisakkanillu ilisimatusarneq.

Ilinniartup immami uumasut avatangiisaasalu sunniivigeqatigiittarnerannik ilisimasaqalernissaa aammalu isumalluutit angallatit atorlugit pinarneqarsinnaasut sapinngisamik pitsaanerpaamik iluaqutiginarneqarnissaannut paasinnikkiartornissaa.

4) Matematikki statistikkilu.

Ilinniartup matematikkimi tunngaviusumik paasisimasassanik, kisitsisilerinermik atortunillu, kisitsisit atorlugit statistikkiliornermi atortartunik paasinnissutigalugillu atuisinnaalissutigisassaminnik, sungiusarneqarnissaa.

5) Sulinermik siulersuineq/aaqqissuineq/sulinermi pissutsit.

Ilinniartup inuit akornanni pissupiusartunik suleqatigiinnermut siulersuinernullu sunniuteqartartunik paasinninnissaa kiisalu suleqatigiinnermi siulersuinermilu periaasiusartunik ilitersorneqarlunilu sungiusarneqarnissaa.

6) Qarasaasialerineq.

Ilinniartup maskiinat qarasaasiat sunulluunniit atorneqartarnerannik paasisimasaqalersinniarnissaa kiisalu naqitassialerissutip (tekstbehandlingip) kisitsissutillu (regnearkip) atortarnerinik paasisaqartinnissaa.

7) Atassuteqaqatigiinneq.

Ilinniartup demokratii tunngavigalugu ingerlatsinermi periaatsinik ilitersorneqarnissaa allanullu atassuteqarluarsinnaanngorsarnissaa.

8) Timersorneq.

Ilinniartup timip siunertarisamut napertuuttumik qasulissutissarinngisaminillu atornissaanik ilinniartinnissaa kiisalu timersuutinik tamanik sungiusarnissamik paasisaqarnissaa suleqatigiinnermullu sungiusarneqarnissaa.

9) Kinguppannik/aalisakkanik nioqqutissiorneq.

Ilinniartup kalaallit aalisakkanik suliffissuaanni aalisakkat qaleruallillu (kinguppaat) nioqqutissiarinerini, tamaasa assigiissillugit, periaatsinik paasisimasaqarlualernissaa, kiisalu ilinniartut nioqqutissiat suliarineqartarneranni aqusaagassanik tamanik paasinninnissaat, taamaalillutik immikkoortoqarfimmik siulersuisinnaaleqqullutik.

10) Nioqqutissiornermi pilersaaruserneq/ingerlatsineq aamma qarasaasiaq atorlugu aqutsineq.

Ilinniartut aningaasarsiornermut tunngasunik, ingerlatsineramik qarasaasiarlu atorlugu aqutsineramik ima paasisimasaqartigilernissaat nioqqutissiornermik pilersaaruserinnaalissallutik nioqqutissiornermillu malittarinnissinnaalissallutik.

11) Elektriciteti/nillartaatitsineq/qerititsineq, maskiinat aanunilu tamakkua qanoq pissarsissutaanerussaatiniginerinik missiliuineq.

Ilinniartup nillorsaanermi atortunut tunngasunik naatsorsuisarnermik nillorsaanermilu atortut qanoq katitigaanerannik paasisimasaqalernissaa, kiisalu nilloriartornermi kissassusissamillu kissassuseqaqarunnaanerme sarfamik atuinnermut tunngasunik paasinninnissaa. Aammattaaq ilinniartup innaallagissamut atortut pillugit inatsisinik paasinninnissaa, nioqqutissiorfimmi maskiinanik atortunillu ilisimaqalernissaa kiisalu nunami aalisariutinilu nioqqutissiat qanoq siunertarisamut naapertuuttumik pissarsissutaasinnaatiginerinik missiliuisarnissamik paasinninnissaa.

12) Inuiaqatigiit/inuussutissarsiuutit.

Ilinniartup Kalaallit Nunaanni inuiaqatigiinni inuussutissarsiornermilu pissutsinik paasinnilluarsinnaalertinnissaa aamalu paasinnitsinnaalernissaa inuussutissarsiornermi politikkip inuussutissarsiornermilu qanoq pissarsisinnaatiginerup sutigut imminnut ataqatigiittarnerannut.

13) Nioqqutissat tuniniarneqartarnerat.

Ilinniartup tuniniaanerme periaatsinik paasitinneqarnissaa aamalu paasinninnissaa aalisakkanit nioqqusianik tuniniaasarnerup pingaaruteqarneranik.

14) Suliffinnuni avatangiisit isumannaallisaanerlu.

Ilinniartut suliffinni suliffissuarnilu ajornartorsuataasartunik paasinninnissaat, aammalu ilisimasaqalersinnissaat suliffimmi avatangiisitigut isumannaallisaanermilu ajornartorsiutaasartut aaqqinniarneqarnerini peqataasinnaalernissamut.

§ 11. Fagini ikiorsiissutaasartuni pingaartuni naammattusaammik ilinniartitsinissaq ilinniarfiup neqeroorutigisinnaavaa.

§ 12. Ilinniartut ilinniartitsinermit najuuttussaataapput.

Imm. 2. Pisortaqaarfik najuuttussaataanermit maleruagassaliorsinnaavoq.

§ 13. Ilinniartoq ilinniartitsinermit qanoq pissarsiaqarsimanersoq ilinniarfiup akuttunngitsunik misilittassavaa ilinniarnernanilu siunnersorneqarnissaanik neqeroorfigissallugu.

Kapitali 4.

Misilitsinnerit soraarummeernerlu.

§ 14. Semesterit aappaata naanerani fagini ukunani angusat karakterilerneqassapput:

- 1) akoorutissat atorlugit eqqiluisarneq uumasuaqqanillu tappiorannartulerineq kiisalu
- 2) aalisarneq aalisakkanillu ilisimatusarneq.

Imm. 2. Semesterit sisamaata naanerani fagini ukunani angusat karakterilerneqassapput:

- 1) nioqqutissiornermi pilersaaruserneq/ingerlatsineq aamma qarasaasiaq atorlugu aqutsineq kiisalu
- 2) siulersuineq/aaqqissuineq/sulinermit pissutsit.

Imm. 3. Ilinniartup ilinniarnini naammassissaguniuk angusanut karakteriliussani agguaqatigiissillugu minnerpaamik 6 karakterigisimassavaa.

§ 15. Semesterit aappaata kingornatigut aalisakkerinermit fagimi soraarummeerneq pissaaq.

§ 16. Semesterit pingajuata kingornatigut kinguppannik/aalisakkanik nioqqutissiornermit fagimi soraarummeerneq pissaaq.

§ 17. Soraarummeernerit § 15-imi aamma § 16-imi taaneqartut allattariarsornerusinnaapput oqaluttariarsornerusinnaallutillu.

Imm. 2. Soraarummeernerit tamarmik ataatsimut karakterilerneqassapput.

§ 18. Semesterit sisamaata kingornatigut immikkut ilinniakkamik ilinniartup toqqarsimasaanik ilinniartitsisullu akuerisimasaanik, tak. § 9, soraarummeerneq pissaaq.

Imm. 2. Soraarummeerneq pissaaq oqaluttariarsorluni misilitsinnertut, aallaavigalugu nalunaarussiaq ilinniartumit allanneqarsimasoq immaqalu aalisakkanik suliffissuarmi nioqqusiaq ilinniartumit suliarineqarsimasoq.

§ 19. Angusani soraarummeernermilu karakteriliinermit 13-skala atorneqassaaq, tak.

Inuussutissarsiutigut ilinniartitaanerni ilinniagaqartut atugaat pillugit Namminersornerullutik Oqartussat Nalunaarutaanni nr. 51-imi 20. december 1990-imeersumi § 28.

Imm. 2. Ilinniartup aalisakkerisuunertut ilinniartitaaneq angusiffigissaguniuk §§ 16 aamma 18 malillugit soraarummeerni tamani minnerpaamik karakteri 6 karakterigisimassavaa aamma §§ 15, 16 18-ilu malillugit soraarummeerni pingasuni agguaqatigiissillugu minnerpaamik 6 angusimassallugu.

Imm. 3. §§ 15-imi, 16-imi 18-imilu taaneqartuni soraarummeernerit fagini taakkunani ilinniartitsisumit kiisalu pisortaqaarfiup censoriutitaanit nalilerneqarlutik.

Imm. 4. Naliliinermit isumaqatigiinngitsoqartillugu karakteriliussat marluk agguaqatigiissinnerat

atorneqassaaq, taanna kisitsisaappat ilivitsaq. Kisitsit taanna karakterit skalamiittut marluk akornanniippat, censorillu karakteriliussaa anneruppat, kisitsimmut ilivitsumut qaninnermut qaffanneqassaaq, kisitsimulli ilivitsumut qaninnermut appartinneqassalluni censorip karakteriliussaa minneruppat. Karakterili "0" karakteriliunneqassaaq taamatut karakteriliinissaq ilinniartitsisup censorillu isumaqatigiissutigippassuk.

§ 20. Ilinniartup soraarummeerneq peqataaffiginngippagu angusiffiginngippaguluunniit, ilinniartuq taanna soraarummeerfusumi tassani marloriarluni soraarummeeqqittussanngortinneqarsinnaavoq.

Imm. 2. Ilinniartitaanermi ataatsimiititaliap imm. 1-imi pisinnaatitsineq atunngitsoortissinnaavaa.

§ 21. Ilinniartunut uppersaataassaqartinneqartumik napparsimanermik imaluunniit allamik akornutissaviusumik pissuteqartumik siumut aalajangeriikkamik soraarummeeqataasimanngitsunut napparsimasunut naatsorsuussamik soraarummeersitsisoqarsinnaavoq.

Imm. 2. Napparsimasunut naatsorsuussamik soraarummeerneq ingerlanneqassaaq kingusinnerpaamik siumut aalajangeriikkamik tullianik soraarummeertoqalerpat.

Kapitali 5.

Ilinniarsimanermut uppersaataat.

§ 22. Ilinniarneq ilinniarnerninik naammassinnereeruni soraarummeernermilu angusereeruni ilinniarsimanermut uppersaataammik tunineqassaaq, tassanilu allassimassapput angusinnermi soraarummeernermilu karakterit, tak. §-it 14-imit 16-imut aamma § 18.

Imm. 2. Aammattaaq ilinniartup piffissamik sianiginninnera, soqutiginninnera qanorlu suleqataajumatigissusia naatsumik oqaaseqaatigineqassapput.

Imm. 3. Ilinniarfuk ilinniarsimanermut uppersaasiussaaq.

Imm. 4. Uppersaataip qanoq suliarineqarnissaa pisorta qarfiup maleruagassaliussavaa.

Kapitali 6.

Aalajangersakkat assigiinngitsut.

§ 23. Aalisakkanik suliffissuaqarnermut tunngasunut brancheudvalgi aalisakkerisuuninngorniarluni ilinniartitaanermut ilinniartitaanermi ataatsimiititaliatut atussaaq.

§ 24. Nalunaarut una malillugu pissutsit ilinniarnermut tunngasut pillugit ilinniarfiup aalajangiinerinut naammagittaalliutit brancheudvalgimut suliasanngortinneqarsinnaapput ullormit aalajangiinerup aalajangiiffigineqartumut nalunaarutigineqarneranit sap. ak. sisamat qaangiutsinnagit.

Imm. 2. Nalunaarut una malillugu pissutsit ilinniarnermut tunngasuunngitsut pillugit ilinniarfiup aalajangiinerinut naammagittaalliutit pisorta qarfiup suliasanngortinneqarsinnaapput ullormit aalajangiinerup aalajangiiffigineqartumut nalunaarutigineqarneranit sap. ak. sisamat qaangiutsinnagit.

§ 25. Pisorta qarfiup ilinniartitaanermi ataatsimiititaliap inassuteqarnera malillugu nalunaarummi uani aalajangersarneqartut sanioqqunneqarallarnissaat akuersissutigisinnaavaa tamanna ineriartortitsiniarluni sulinerup ilaatut isigalugu.

§ 26. Nalunaarut una atortuulerpoq 1. august 1992, atortussaassalluni ukiumi ilinniartitsiffiusumi 1992-93-imi.

Imm. 2. Pisorta qarfik ilinniartunut ukioq ilinniartitsiffiusoq 1992-93 sioqqullugu aalisakkerisuuninngorniarlutik ilinniarnerninik aallartitsisunut malittarisassanik ikaarsaariarnermi atugassanik aalajangersagaliorsinnaavoq.

Namminersornerullutik Oqartussat, ulloq 23. april 1992.

Marianne Jensen

/

Aqigssiaq Møller

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut